



Visoki predstavnik Inzko: Uzdržite se od polarizirajućih postupaka i fokusirajte na uspostavu vlasti

Reagujući na najavu inicijative za osporavanje imena Republike Srpske pred Ustavnim sudom BiH, visoki predstavnik podsjeća da se prema Ustavu BiH, Bosna i Hercegovina sastoji od dva entiteta – Federacije Bosne i Hercegovine i Republike Srpske.

Naglasio je i da Upravni odbor Vijeća za provedbu mira kontinuirano izražava svoju posvećenost temeljnoj strukturi Bosne i Hercegovine kao jedinstvene, suverene države koja se sastoji od navedena dva entiteta. U tom smislu, najava inicijative za osporavanje naziva Republike Srpske pred Ustavnim sudom BiH, usred rasprava o formiranju vlasti, je neodgovorna i kontraproduktivna, te dodatno podriva povjerenje među konstitutivnim narodima i njihovim političkim predstavnicima. Visoki predstavnik poziva stranke da se uzdrže od bilo kakvih daljih polarizirajućih poteza i retorike, te da se konstruktivno uključe u što brže formiranje vlasti na svim nivoima.